

Erindisbréf bæjarráðs Bolungarvíkurkaupstaðar

1.gr.

Bæjarráð sem starfar samkvæmt V. kafla sveitarstjórnarlaga nr. 138/2011 telst til fastanefnda Bolungarvíkurkaupstaðar. Bæjarráð fer með verkefni framkvæmdastjórnar bæjarfélagsins ásamt bæjarstjóra, hefur fjárhagslega yfirumsjón með rekstri allra stofnana á vegum bæjarins og fer með verkefni kjaranefndar og starfskjaranefndar. Bæjarráð sinnir starfsmannamálum bæjarfélagsins hafi öðrum ekki verið falið það verkefni með lögum eða samþykkt um stjórn Bolungarvíkurkaupstaðar. Bæjarráð hefur einnig yfirumsjón með starfsmannaráðningum, uppsögnum starfsfólks ásamt eftirliti með öllu öðru starfsmannahaldi. Bæjarráð skal starfa í samræmi við þau lög sem um það gilda, samþykkt um stjórn Bolungarvíkurkaupstaðar og erindisbréf þetta.

2.gr.

Erindisbréf þetta byggir að auki á ákvæðum stjórnarsýslulaga nr. 37/1993 og eftir atvikum ákveðum annara laga og reglugerða sem ná til málaflokka bæjarráðs. Bæjarráð skal við undirbúning mála og stjórnvaldsákvæðana gæta þess að farið sé að stjórnarsýslulögum og reglum um vandaða stjórnarsýslu.

Ef það er misræmi milli efnis erindisbréfs, annars vegar, og laga, reglna og samþykktar Bolungarvíkurkaupstaðar, hins vegar, skulu hinar síðarnefndu reglur gilda.

3.gr.

Bæjarráð Bolungarvíkurkaupstaðar er kosið af bæjarstjórn Bolungarvíkurkaupstaðar til eins árs í senn, í júní ár hvert skv. ákvæðum sveitarstjórnarlaga og samþykktar um stjórn Bolungarvíkurkaupstaðar. Bæjarráð er skipað þremur fulltrúum í samræmi við 46. gr. samþykktar um stjórn Bolungarvíkurkaupstaðar og jafn mörgum til vara. Bæjarstjórn kýs formann bæjarráðs.

4.gr.

Bæjarstjóri er starfsmaður ráðsins. Hann undirbýr og boðar fundi ráðsins í samráði við formann. Hann ber ábyrgð á að samþykktum og ákvörðunum ráðsins sé hrint í framkvæmd. Bæjarstjóri og/eða staðgengill hans situr fundi og hefur þar málfrelsi og tillögurétt.

5. gr.

Bæjarráð hefur fjárhagslega yfirumsjón með rekstri allra stofnana á vegum bæjarins og fer með framkvæmdastjórn bæjarfélagsins ásamt bæjarstjóra. Bæjarráð vinnur að markmiðum sínum með stefnumótandi samþykktum og ákvörðunum sem taka mið af samþykktum stefnu ráðsins og bæjarstjórnar í málefnum varðandi framkvæmdastjórn og rekstur stofnana.

6. gr.

Bæjarráð gerir tillögur til bæjarstjórnar um stefnumörkun á sviðum framkvæmdastjórnar sveitarfélagsins sem og rekstri stofnana Bolungarvíkurkaupstaðar. Ráðið vinnur að því að deildir og stofnanir á þess vegum vinni að settum markmiðum, starfsmenn veiti góða þjónustu og að starfsemin sé skilvirk og hagkvæm.

7. gr.

Hlutverk bæjarráðs er:

- að hafa eftirlit með fjármála- og framkvæmdastjórn sveitarfélagsins;
- að hafa eftirlit með stjórnsýslu bæjarins;
- að gera tillögur til bæjarstjórnar um afgreiðslu þeirra mála sem það fær til meðferðar. Bæjarráð fer þó með fullnaðarafgreiðslu í þeim málum sem ekki varða verulega fjárhag bæjarins og ekki er ágreiningur um afgreiðslu á innan bæjarráðsins annars vegar og við bæjarstjóra hins vegar;
- að vinna ásamt bæjarstjóra að undirbúningi að setningu yfirmarkmiða og samræmingu stefnumótunar einstakra sviða til bæjarstjórnar í samræmi við þá framtíðarsýn, sem hún hefur á hverjum tíma;
- að hafa eftirlit með því að samþykkt markmið bæjarstjórnar með starfi fagraða náí fram að ganga;
- að gera tillögur um úrbætur í allri starfsemi á vegum bæjarins;
- að vinna drög að fjárhagsáætlun hvers árs og þriggja ára áætlun, fyrir bæjarsjóð og fyrirtæki bæjarsjóðs og stofnanir;
- að hafa eftirlit með því að viðkomandi fagráð eða stjórn stofnunar skili tillögum til fjárhagsáætlanagerðar vegna þeirra stofnana sem undir hana heyra;
- að hafa eftirlit með því að einstakir rekstrarliðir í fjárhagsáætlun bæjarsjóðs og fyrirtækja og stofnana hans séu í samræmi við samþykka fjárhagsáætlun á hverjum tíma;
- að taka fyrir fundargerðir í sumarfríi bæjarstjórnar og eftir því sem við á;
- að sjá til þess að ársreikningar bæjarsjóðs og fyrirtækja séu samdir í samræmi við gildandi lög, reglur og reikningsskilavenjur sveitarfélaga á hverjum tíma;
- að hafa umsjón með gerð kjarasamninga og undirbúa stefnumótun í starfsmannamálum almennt;

Bæjarráð hefur umsjón með framkvæmdastjórn þeirra stofnana og deilda sem undir það heyra. Ráðið gerir tillögu til bæjarstjórnar um skiptingu fjárhagsáætlunar og skal hafa eftirlit með því að stofnanir og deildir, sem undir það heyra, starfi innan ramma laga og samþykkrar fjárhagsáætlunar á hverjum tíma.

Meginhlutverk bæjarráðs er auk eftirlits með framkvæmdastjórn og stjórnsýslu, stefnumótun og afgreiðsla einstakra mála. Ráðið skal setja forstöðumönnum starfsreglur þar sem fram

kemur hvernig standa skuli að afgreiðslu einstakra mála með það að markmiði að afgreiðsla mála verði markviss og samhæfð og stjórnsýsla skilvirk.

8.gr.

Fulltrúa er skylt að sækja alla fundi nema um lögmæt forföll sé að ræða, svo sem önnur brýn skyldustörf eða veikindi. Geti fulltrúi ekki sótt fund skal hann boða varamann í sinn stað.

Fundir skulu haldnir vikulega, nema í þeirri viku þar sem bæjarstjórnarfundir ber upp. Halda má fundi oftari ef þurfa þykir. Formaður ráðsins hefur vald til að taka ákvörðun um að fella niður fund ef hún byggir á málefnalegum ástæðum. Til fundar telst löglega boðað hafi allir atkvæðisbærir fulltrúar eða/og varamenn í forföllum aðalmanna svo aðrir sem seturétt eiga á fundinum, verið boðaðir með að minnsta kosti hálfis sólahrings fyrirvara með skriflegri dagskrá.

Komi upp mál sem krefst skjótrar úrlausnar ráðsins getur fyrirvari um boðun verið skemmri. Heimilt er að taka mál til meðferðar í ráðinu þótt það sé ekki tilgreint í dagskrá en það skal tilkynna í upphafi fundar. Þó er skylt að fresta afgreiðslu slíks máls ef einhver ráðsmanna óskar þess.

Fundur er lögmætur ef löglega er til hans boðað og meira en helmingur atkvæðisbærra fulltrúa er mættur á fundinn. Ráðið getur enga bindandi ályktun gert nema fundur sé lögmætur.

9. gr.

Um fundarsköp og málsmeðferð í bæjarráði fer eftir sem við á samkvæmt III. kafla samþykktar um stjórn Bolungarvíkur.

Formaður ráðsins stýrir fundum þess. Fundir ráðsins skulu jafnan haldnir fyrir luktum dyrum. Ráðið getur boðið á sinn fund einstaka starfsmenn bæjarins sem og aðra til viðræðna um einstaka mál.

Fulltrúar skulu gæta trúnaðar um það sem þeir verða áskynja í starfi ráðsins og leynt á að fara samkvæmt lögum eða eðli máls. Þagnarskylda helst þó látið sé af þessum störfum. Ákvæði þetta á einnig við um aðra fundarmenn.

Bæjarráð skal á fundum sínum taka fyrir þau erindi sem berast, fjalla um þau og gera tillögur um afgreiðslu þeirra til bæjarstjórnar. Á fundum er mál afgreitt með því að samþykkja það eða fella, vísa því frá eða vísa því til afgreiðslu bæjarstjórnar eða til bæjarstjóra.

Bæjarráði er heimilt að fresta afgreiðslu máls nema um sé að ræða mál sem að lögum ber að afgreiða fyrir tiltekinn tíma. Ráðið getur vísað málum til umsagnar annara nefnda, ráða eða annara aðila.

Fulltrúi á rétt á að fá bókaða stutta athugasemd um afstöðu sína til máls, sem til meðferðar er í ráðinu. Bæjarráð kemur ákvörðunum sínum og stefnumótun í framkvæmd með formlegum samþykktum á lögmætum fundum. Formaður eða aðrir fulltrúar Bæjarráðs skulu snúa sér til bæjarstjóra með eftirfylgni staðfesta samþykktá ráðsins.

10. gr.

Ráðið skal halda fundargerðabók og ritari skal færa fundargerð í fundargerðabók. Um ritun fundargerðar gilda sömu reglur og um ritun fundargerða bæjarstjórnar, sbr. 16. gr. samþykktar um stjórn Bolungarvíkur.

Fundargerðir bæjarráðs þarfnast staðfestingar bæjarstjórnar Bolungarvíkur til að teljast gildar. Fundargerðir ráðsins skulu teknar á dagskrá bæjarstjórnar og skal það gert svo fljótt sem unnt er að afloknum fundi. Ef fundargerðir innihalda ekki ályktanir eða tillögur sem þarfnast sérstakrar staðfestingar bæjarstjórnar eru fundargerðir lagðar fram til kynningar.

11.gr.

Bæjarráð ráð skal í allri sinni ákvarðanatöku hafa hagsmuni allra íbúa að leiðarljósi. Það leggur þær skyldur á fulltrúa í ráðinu að setja ávallt almannahagsmuni ofar sérhagsmunum, hvort heldur sínum eigin eða einstakra hópa er þeir tengjast eða tilheyra.

Fulltrúi hefur ekki atkvæðisrétt um mál sem varða hann sjálfan eða náð skyldmenni hans og skal hann í slíkum tilvikum víkja af fundi. Um hæfi fulltrúa og starfsmanna bæjarráðs er vísað til 20. gr. sveitarstjórnarlaga nr. 138/2011, sbr, II. kafla stjórnsýslulaga nr. 37/1993 og 17. gr. samþykktar um stjórn Bolungarvíkurkaupstaðar.

12.gr.

Bæjarráð hlutast ekki um daglegan rekstur og starfsemi þeirra stofnana sem heyra undir ábyrgðar- og eftirlitssvið ráðsins. Bæjarráð hefur umsjón með framkvæmdastjórn allra stofnana sveitarfélagsins.

Ráðið hefur ekki boðvald yfir starfsfólki stofnana. Ráðið skal fjalla um umsóknir og gefur rökstudda umsögn til bæjarstjórnar vegna ráðningar forstöðumanna. Ákvörðun ráðningar annara starfsmanna er á ábyrgð og í valdi viðkomandi forstöðumanns.

13. gr.

Erindisbréf þetta hefur verið samþykkt í bæjarstjórn Bolungarvíkur og tekur gildi þann xx/xx 202x.